

«Ավտովերակնքում» ծառայության պայմաններ

1. Թե՛ գործող, թե՛ նոր Բաժանորդը միանալով «Wi-Fly տարեկան»/«Wi-Fly տարեկան գործընկեր» կամ «All in տարեկան»/«All in տարեկան գործընկեր» ծառայությունների/սակագնային փաթեթներից մեկին՝ 1 տարի պարտադիր բաժանորդագրության պայմանով, ավտոմատ համաձայնում է իր պայմանագրի ավտոմատ վերակնքմանը ևս 1 տարի 365 օր ժամկետով: Այսինքն՝ 1 տարի 365 օր անց, Բաժանորդի պայմանագիրը վերակնքվում է ևս 1 տարի 365 օր պարտադիր ժամկետով և Բաժանորդը շարունակում է ստանալ տարեկան բաժանորդագրության պայմաններով նախատեսված Ծառայությունների առավելությունները: Սույն կանոնը գործում է յուրաքանչյուր հերթական երկարաձգման համար՝ Բաժանորդային պայմանագիրը 1 տարի 365 օր պարտադիր ժամկետով ավտոմատ կերպով պարբերաբար մինևս սկզբունքով վերակնքվում է նաև հաջորդ տարիներին, եթե Բաժանորդը իր գրավոր դիմումի հիման վրա չի հրաժարվում Բաժանորդային պայմանագրի ավտոմատ վերակնքման ծառայությունից:
- 1.1. Բոլոր գործող բաժանորդները, ովքեր օգտվում են ծառայություններից/սակագնային փաթեթներից առանց «Ավտովերակնքում» ծառայության, կարող են ակտիվացնել «Ավտովերակնքում» ծառայությունը Օպերատորի վաճառքի և սպասարկման սրահներից մեկում կամ «Հեռախոսային սպասարկում» ծառայության միջոցով:
- 1.2. Բաժանորդը կարող է հրաժարվել «Ավտովերակնքում» ծառայությունից բացառապես պարտադիր տարեկան բաժանորդագրության ժամկետի ավարտից առնվազն 60 օր առաջ ընկած ժամանակահատվածում՝ ներկայացնելով դիմում Օպերատորի վաճառքի և սպասարկման սրահներում:
Եթե Բաժանորդը հրաժարվում է «Ավտովերակնքում» ծառայությունից ապա 1 տարի 365 օր անց, պայմանագիրը ավտոմատ կերպով չի վերակնքվում ևս 1 տարով 365 օրով, Բաժանորդի պայմանագիրը դառնում է անժամկետ և սկսում են գործել «Wi-Fly»/ «Wi-Fly գործընկեր» և «All in»/«All in գործընկեր» ծառայությունների/սակագնային փաթեթների, անժամկետ բաժանորդագրության պայմանները: «Ավտովերակնքում» ծառայությունից հրաժարվելուց հետո Բաժանորդը ցանկացած օր կարող է կրկին դիմել «Ավտովերակնքում» ծառայությունը ակտիվացնելու համար՝ ներկայացնելով դիմում Օպերատորի վաճառքի և սպասարկման սրահներում կամ «Հեռախոսային սպասարկում» ծառայության միջոցով:
- 1.3. Եթե Բաժանորդը սույն պայմանների 2.3 կետում ներկայացված ժամկետներում, չի ներկայացնում դիմում «Ավտովերակնքում» ծառայությունից հրաժարվելու վերաբերյալ, ապա Բաժանորդային պայմանագիրը ավտոմատ վերակնքվում է, Բաժանորդին շարունակվում է մատուցվել տարեկան բաժանորդագրության պայմաններով նախատեսված Ծառայությունների առավելությունները և Բաժանորդային պայմանագրի վաղաժամկետ լուծումը՝ Կողմերից մեկի նախաձեռնությամբ կհանգեցի հրաժարագնի վճարման պարտավորության:
- 1.4. Գործող Բաժանորդը կարող է միանալ յուրաքանչյուր նոր հատուկ առաջարկի՝ վերակնքելով գործող պայմանագիրը՝ 1 տարի պարտադիր բաժանորդագրության պայմանով: Այս դեպքում, անկախ նրանից, արդյոք «Ավտովերակնքում» ծառայությունը ակտիվացված է եղել նախորդ տարեկան պայմանագրի շրջանակներում, թե ոչ, երբ գործող Բաժանորդը վերակնքում է իր գործող պայմանագիրը, ապա նախորդ տարեկան բաժանորդագրության շրջանակում ակտիվացված «Ավտովերակնքում» ծառայության ժամկետը ապաակտիվացվում է և նոր տարեկան բաժանորդագրության շրջանակում ակտիվանում է «Ավտովերակնքում» ծառայության նոր ժամկետ:
- 1.5. Բոլոր այն Բաժանորդների համար, ովքեր միացել են Ծառայություններին տարեկան պայմանագրով՝ «Ավտովերակնքում» ծառայությամբ, մինչև սույն պայմանների ուժի մեջ մտնելը, ապա իրենց համար կկիրառվեն սույն պայմանները:
 - i. սույն պայմանների ուժի մեջ մտնելու պահից սկսած Բաժանորդային պայմանագրի վերակնքման պահից,
 - ii. սույն պայմանների ուժի մեջ մտնելու պահից սկսած՝ գործող Բաժանորդային պայմանագրի ավտոմատ վերակնքման պահից:
2. «All in տարեկան» և «Wi-Fly տարեկան» ծառայությունների/սակագնային փաթեթների բաժանորդագրության պարտադիր ժամկետը համարվում է ավարտված, երբ Բաժանորդն օգտվում է բաժանորդագրված ծառայությունների փաթեթից/սակագնային փաթեթից ներառված Ծառայությունների ակտիվացման օրվանից սկսած՝ առնվազն 1 տարվա 365 օրվա ընթացքում: Մինչև սահմանված ժամկետի ավարտը «All in տարեկան» և «Wi-Fly տարեկան» ծառայությունների/սակագնային փաթեթների բաժանորդագրության դադարեցման դեպքում՝ Բաժանորդի գործողությամբ կամ անգործությամբ պայմանավորված, վերջինս Օպերատորին ամբողջությամբ պարտավորվում է վճարել ընթացիկ պարտքը և հրաժարագին՝ 15000 F22 դրամի չափով: Ֆիզիկական անձ հանդիսացող Բաժանորդի կողմից Բաժանորդային պայմանագրից միակողմանի հրաժարման դեպքում Օպերատորի կողմից Բաժանորդային պայմանագրի լուծում կատարվում է բացառապես Բաժանորդի կողմից մինչև Բաժանորդային պայմանագրի լուծման (դադարեցման) օրը իրեն մատուցված Ծառայությունների արժեքի, ներառյալ ամսական բաժանորդային վճարի, ինչպես նաև Բաժանորդային պայմանագրի միակողմանի լուծման համար Օպերատորի կողմից նախատեսված այլ վճարումների (տույժերը, տուգանքները, հրաժարագին), եթե այդպիսիք առկա են, իրականացման դեպքում:

¹ Հատուկ առաջարկ, որը հասանելի է գործող բաժանորդների համար: